

Հայոցն է. և դարձեալ ի Հոռոմոց կողմն՝ ասէ վէզիրն թէ Դուք ևս զի՞նչ ասէք. և նորա ասեն՝ Հրամանն քեզն է. և նա ասէ. Եւ զայս թագաւորին թախլիս առնելոց եմ և տամ նոցա խէթիչէրիֆ: Եւ յայնմ ժամու մարդ եկեալ ի թագաւորէն ի վէզիրն թէ Ձայնէ զքեզ թագաւորն, եւ ելեալ երթայ: Եւ օրս անձրեւ եկն մինչև ի Շաբաթ առաւօտուս (30 Օգոստոս): Եւ յաւուրքս թախլիս անէ վէզիրն թագաւորին զբանս զայսոսիկ եւ թագաւորն տայ հրաման թէ Գրեցցին՝) էմիրքն. եւ եկեալ ի դուրս եւ գրեցցին:

Կիրակիս (31 Օգոստոս) ուղարկեցին զՄարտիրոս վարդապետն բերել ի Պուրսայու զմեծ վարդապետն (Աստուածատուր): Եւ երեկոյիս հարսնիք գնացաք Լաչին՝) որդոյ Սահակի տղին Յարութենի: Աւուրքս Մըսրայ խազնան եկաւ:

Սեպտեմբեր ամիս օր Բշի: Ձտէֆտէրտարն փոխեցին եւ ետուն նորա զՀալապ, եւ եդին տէֆտէրտար Մէհմէտ քեհեա Սալէհ փաշային:

Դշի օրս (3 Սեպտ.) զյէնկիչէր աղասի չարն փոխեցին, որ ասի Հիւսէին, և զրսէն թագաւորին մեծ խնամօք զոմն եդին աղա:

Ուրբաթ օրս (5 Սեպտ.) ձայնեալ թագաւորին զվէզիրն և երթայ ի ներս և առեալ զմօհուրն տայ Քեօփուրուու Մէհմէտ փաշային՝ վէզիրութեան: Եւ զայտեսեալ Հոռոմոցն, որք յայնժամ ասէին թէ Մեք չուներք տաւա ընդ Հայոցն և ոչ գային ի տիւանն, յայսմ գիշերի պատրիկն իւրեանց յամենայն յեկեղեցիս թուղթ յղեալ և զպատվաւոր արսն զամենայն ի մի վայր հաւաքեալ, երթան առաւօտուս Շաբաթ (6 Սեպտ.) ի տիւանն և տան մի և երկու արզուհալ վէզիրին և կար-

1) գրեցցի.

2) Լաչին.